

**ԶԱՆԳՎԱԾԱՅԻՆ ՏԵՂԵԿԱՏՎԱԿԱՆ ՄԻՋՈՑՆԵՐԻ ԴԵՐՈ ՔԱՂԱՔԱԿԱՆ
ՍՈՑԻԱԼԻԿԱՆԱՑՄԱՆ ԳՈՐԾՈՆԹԱՑՆԵՐՈՒՄ***

Հասմիկ Շահաղաթյան

Զանգվածային տեղեկատվական միջոցները զգալի և անժիստելի ազդեցություն են ունենում հասարակական կյանքի գրեթե բոլոր ոլորտների, մասնավորապես քաղաքական կյանքի վրա: Նրանք ձևավորում են հասարակության մտածողությունը, ազդում հասարակական կարծիքի, հասարակության քաղաքական գիտակցության ձևավորման վրա, դրում հասարակությանը՝ դրսնորելու որոշակի վարք (ընտրություններում քվեարկել որևէ կոնկրետ թեկնածուի օգտին, ձեռք բերել որոշակի ապրանքներ և այլն): Ազատ տեղեկատվության արդյունավետ ռեժիմը հիմնվում է պաշտոնական տեղեկատվության նախընթացքան օրենքի վրա, որը հասարակությանը և իշխանության մարմիններին օժտում է մի շարք արտոնություններով, նպաստում է մասնակցային ժողովրդավարությանը.

- Բարեկավում է հասարակության վստահությունը իշխանության մարմինների գործունեության նկատմամբ.
- Օժանդակում է բոլոր այն բարեփոխումներին, որոնք իրականացվում են ի շահ հասարակության.
- Ստեղծում է բաց, թափանցիկ և մրցակցային տնտեսական միջավայր.
- Նպաստում է կոռուպցիայի և կաշառակերության դեմ պայքարին.
- Բարենպաստ պայմաններ է ստեղծում մարդու հիմնարար իրավունքների իրագործման հաճար.
- Ընդլայնում և բարեկավում է ԶԼՄ-ի հնարավորությունները:

Տեղեկատվության ազատությունն իր արտացոլումն է գտել Մարդու իրավունքների համընդիմության համարակարի 19-րդ հոդվածում, ինչպես նաև Քաղաքական և քաղաքացիական իրավունքների մասին միջազգային պակտի 19-րդ հոդվածում: Տեղեկատվության ազատության մասին օրենքներն անհրաժեշտ են, որպեսզի ապահովեն իշխանության մարմինների հաշվետվականությունը հասարակության առջև, ամրապնդեն իշխանության լեգիտիմությունը, դեմոկրատական բարեփոխումներին հասարակության մասնակցությունը և այլն:

Տեղեկատվությունը հասարակությանը մատուցելիս լրատվամիջոցները ծգուում են դիտողի, լսողի, ընթերցողի գիտակցության մեջ ձևավորելու իրենց համար ցանկայի գաղափարներ, հասարակական երևույթների և գործընթացների վերաբերյալ գնահատականներ, որդենու նրանց որոշակի գործողությունների կամ հորդորելու ծերնպահ մնալ որոշակի գործելակերպից:

Ըստ էության, զանգվածային տեղեկատվական միջոցների քաղաքական ազդեցությունն իրականացվում է մարդու մտքի և զգացմունքների վրա արտացոլման միջոցով: Ժողովրդավարական ռեժիմ ունեցող երկրներում տարածված է զանգվածային հաղորդակցման բանական մոդելը, որը համապատասխանում է այդ երկրներում ապրող մարդկանց մտածողությանը և քաղաքական մշակույթին: Այս մոդելը ենթադրում է

** Հոդվածն ընդունվել է 20.12.2014:

Հոդվածը տպագրության է երաշխավորել ք.գ.դ., պրոֆեսոր Գ. Քեոյանը:

ՄԵՄՐՈԴ ՄԱՀՏՈՅ ՀԱՍԱԼԱՐԱՆԻ ԼՐԱՏՈՒ 2015

լրատվամիջոցների միջև մրցակցություն՝ կապված լսարանի առավել մեծ ուշադրության և վստահության ձեռքբերման հետ, ինչն էլ հանդիսանում է տեղեկատվական միջոցների հաջողության գիլավոր չափանիշն ու նրանց մեծ մասի գոյատևման հիմնական պայմաններից մեկը: Այս պայմանն ապահովելու համար լրատվամիջոցներն իրենց թեմաներն ընտրելիս առաջնորդվում են հետևյալ մի շարք ընդհանուր սկզբունքներով [1]:

- **Թեմաների առաջնայնությունը և գրավչությունը ռադարացիների համար:** համաձայն որի՝ զանգվածային տեղեկատվական միջոցների հաղորդումներն առավել հաճախ վերաբերում են այնպիսի հիմնախնդիրների, ինչպիսիք են, օրինակ, քաղաքացիների անվտանգության և խաղաղության սպառնալիքը, ահարեկչությունը, էկոլոգիական և այլ աղետներ:
- **Փաստերի ոչ ստվորական լինելը:** Սա նշանակում է, որ ճգնաժամային և այլ ծայրահեղ հրադարձությունները (սով, պատերազմներ, ոչ ստվորական, դաժան հանցագործություններ և այլն) իշխում են առօրյա կյանքի երևոյթների վրա: Մրանով էլ բացատրվում է տեղեկատվական միջոցների հակածությունը բացասական բնույթի տեղեկատվության և սենսացիոն փաստերի նկատմամբ:
- **Փաստերի բազմություն:** Բնակչության ուշադրությունը գրավելու գործում առավել մեծ է այն տեղեկատվությունների դերը, որոնք թերևս լայն տարածում չեն ունեցել: Դրանք կարող են լինել տնտեսության զարգացման կամ անգործների թվաքանակի մասին նոր տվյալներ, նոր քաղաքական կուսակցությունների, նրանց լիդերների, նոր հասարակական կազմակերպությունների և դեկավարների մասին տեղեկություններ և այլն:
- **Քաղաքական հաջողություն.** համաձայն որի՝ հրապարակային հաղորդումներում և հոդվածներում նախ և առաջ իրենց արտահայտությունն են գտնում քաղաքական լիդերների, կուսակցությունների կամ պետության հաջողությունների մասին տեղեկությունները:
- **Բարձր հասարակական կարգավիճակ:** Որքան բարձր է տեղեկատվության աղբյուրի կարգավիճակը, այնքան նշանակալից են հարցազրույցները կամ հաղորդումները, քանի որ ենթադրվում է, որ նրանց հանրաճանաչությունը տարբեր պայմաններում ուղղի համեմատական է մարդկանց հասարակական դրությանը: Այս սկզբունքի համաձայն՝ լրատվամիջոցներն ավելի հեշտ մուտք ունեն, քան անհատները, որոնք բարձր դիրք են գրադարձում քաղաքական, ռազմական, եկեղեցական և այլ ոլորտներում:

Ժողովրդավարական երկրներում, որպես կանոն, օրենքով արգելվում է լրատվամիջոցների օգտագործումը ռասայական, ազգային, դասային և կրոնական խորականության և թշնամության հրահրման համար: Սակայն այս երկրներում ևս տարբեր քաղաքական ուժեր իրենց զաղափարների և արժեքների քարոզչության համար լայնորեն օգտագործում են զգացմունքային ազդեցությունը, որն առավել վառ դրսևով է ընտրական կամպանիաների սկզբանական շրջանում:

Բացի վերը նշվածներից, հասարակության վրա զանգվածային տեղեկատվական միջոցների ազդեցության այլ մեխանիզմներ են առանձնացվում: Այսպես, օրինակ, կառուցվածքային, բարոյական: Արդեն իսկ ՁԼՍ-ն իրենց ձևով և բնույթով ենթադրում են մեծ, համահասարակական մասշտաբների լսարան, որը հիմնված է ժողովրդավարության պայմաններում ազատ խոսքի և կարծիքի նկատմամբ ձևավորված հարգանքի վրա:

Հավելենք նաև, որ, դիմելով հասարակական գիտակցության այնպիսի զգացմունքային, իրացիոնալ, զգացմունքային-կամային բաղկացուցիչներին, ինչպիսին հայրենիքի նկատմամբ սիրո զգացմունքն է, ազգային և հայրենասիրական տրամադրությունները, զանգվածային տեղեկատվական միջոցներն ունակ են հավաքագրելու բնակչության զգայի մասին, ստանալու նրանց աջակցությունը՝ սատորելու դեկավար շրջանների կամ առանձին շահագրգիր խմբերի այս կամ այն գործողություններին: Ընդուում, զանգվածային գիտակցության նման փոփոխությունները կարճաժամկետ բնույթ են կրում և տվյալ կոնկրետ նպատակով իրականացվող պրոպագանդիստական կամպանիայի ավարտից հետո ամեն ինչ վերարարում է իր տեղը: Զանգվածային տեղեկատվական միջոցների սոցիալականացնող գործառնության այս առանձնահատկությունը հատկապես դրսնորվում է ընտրական գործընթացների, ընտրական կամպանիաների ժամանակ:

Ինչպես ցույց են տալիս սոցիոլոգիական և սոցիալ-հոգեբանական շատ հետազոտությունների արդյունքները, լրատվամիջոցների մշտական հաղորդումները, որոնք արնչվում են հասարակության մեջ ընդունված համընդիմանուր նորմերից շեղվող երևույթներին, դեպքերին, որպես կանոն, մեկնարամվում են սեմսացիոն ծնով, քաղաքացիների մոտ առաջացնում են անհանգստություն՝ կապված աշխարհակարգի, կյանքի բնականոն ընթացքի խախտման հետ, ծնում են վախ՝ հասարակության մեջ իրենց տեղի, ապագայի համար և այլն: Միևնույն ժամանակ փաստերը վկայում են այն մասին, որ ՉԼՍ-ի ծառայություններից առավել հաճախ օգտվող մարդիկ ավելի շուտ են հարմարվում շրջապատող աշխարհի ծայրահեղ իրավակիցների հետ: Օրինակ՝ երեխանները, որոնք հաճախ են դիտում բրոնություններով հազեցած հաղորդումներ, համոզվում են այն բանում, որ աշխարհում, որտեղ ապրում են իրենք, առկա է բրոնություն, անկարգություն, ուժեղների ճնշում և այլն: Հետևապես, նրանք մեծ պատրաստակամությամբ հակված են հարմարվելու այդ բացասական երևույթներին, ուստի դրանք դիտում են ոչ թե համընդիմանուր նորմերից շեղումներ կամ քաղաքական համակարգի դիմունկցիա, այլև որպես նրա անբաժանելի մաս: Բայց պետք է հաշվի առնել նաև, որ բնակչության տարբեր խմբեր կարող են այդ երևույթներին արձագանքել տարբեր ձևերով: Հանցագործության, թմրամոլության, ահաբեկչության, անկարգության և նման այլ երևույթների մասին մշտական հաղորդումներն ընթերցողներին, ունկնդիրներին և հեռուստադիմություններին ներշնչում են այն միտքը, որ անհրաժեշտ է «ամուր ձեռք», ուժեղ անձնավորություն, ով կվարողանա վերջ դնել անարխիային, ապահովել կարգությանոն և այլն:

Անկասկած, տեղեկատվական միջոցները նշանակայի ազդեցություն ունեն այն բանի վրա, թե ինչպես են մարդիկ ընկալում իրականությունը, ինչ են մտածում դրա մասին և վերջապես ինչ են անում իրենք այս աշխարհում: Ընդուում, ՉԼՍ-ի գլխավոր ներգործությունը համարվում է իրենց միջոցով նոր տեղեկատվության յուրացումը, ինչը նշանակում է, որ ՉԼՍ-ը թելադրում են մարդուն ոչ թե այն, թե ինչ պետք է նա մտածի, այլ այն, թե ինչի շուրջ նա պետք է խորի:

Թե ինչպիսի, ինչ ծնով և ինչ մեկնարամությամբ են տեղեկատվություն ստանում քաղաքացիները և քաղաքական գործիչները, կախված է դրան հաջորդող նրանց գործողություններից: Այսուղեղ կարևորություն է ձեռք բերում հետևյալ միտքը [2]. «Ունենալ կարևոր տեղեկատվություն, նշանակում է ունենալ իշխանություն, կարողանալ տարբերել կարևոր ոչ կարևորից, ունենալ հնարավորություն՝ տարածելու կարևոր տեղեկատվությունը սեփական խմբագրությամբ կամ թաքցնել այն, իսկ սա նշանակում է ունենալ երկակի իշխանություն»:

ՄԵՐՈՐԴ ՄԱՆՏՈՎ ՀԱՍԱՏԱՐԱՆԻ ԼՐԱՏՈՒ 2015

Վերջին հաշվով՝ տեղեկատվության ոչ հստակ հաղորդումն ապակողմնորոշում է քաղաքացիներին. կամ մարում է նրանց հետաքրքրությունը քաղաքականության նկատմամբ՝ առաջացնելով քաղաքական ապատիա, կամ էլ ստիպում է նրանց հենվելու մեկնաբանների գնահատականների վրա:

Ժամանակակից աշխարհում տեղեկատվության հեղեղն այնքան բազմարնույթ և հակադիր է, որ այս ինքնուրույն հասկանալ և ըմբռնել ի վիճակի չէ ոչ առանձին անհատը, ոչ էլ մասնագետների խումբը: Այդ իսկ պատճառով առավել կարևոր տեղեկատվության ընտրությունը և զանգվածային լսարանին ընկալելի ծևով նրա ներկայացումը զանգվածային հաղորդակցության համակարգի կարևորագույն խնդիրն է: Ընդ որում, քաղաքացիների և քաղաքական գործիչների տեղեկատվությունն ուղղակիորեն կախված է նրանից, թե ինչպես, ինչ նպատակներով և չափանիշներով է ընտրվում տեղեկատվությունը, որքան խորն է այն արտացոլում իրական փաստերը[3]:

Ինչպես գիտենք, մեր երկրում հասարակական գործընթացների վրա ամենալուրջ ազդեցությունը այս կամ այն չափով կարող է ունենալ զանգվածային տեղեկատվական միջոցներից ամենաազդեցիկը՝ հեռուստատեսությունը: Տպագիր մամուլը, որը շնորհիվ փորձ տպաքանակի, չի կարող ունենալ նշանակալի ազդեցություն, իսկ ռադիոն, շնորհիվ իր առավելապես զվարճային, ժամանցային յուրահատկության, առավել ևս: Փորձագետների գնահատմամբ՝ ռադիոն, չնայած իր մեծ լսարանին, հասարակական կարծիքի ծևավորման և սոցիալական գործընթացների վրա ներգործության առումով ունի ավելի քիչ հնարավորություն, քան մամուլը: Իսկ ինչ վերաբերում է հեռուստատեսությանը, նշենք, որ մեր հեռուստապայիմները ինչ-ինչ պատճառներով արտահայտում են ոչ թե հասարակության շահերը, այլ տարրեր իշխանական կառույցների, տնտեսական և քաղաքական էլիտաների շահերը:

Նման պայմաններում անհնար է խոսել հասարակական գործընթացների և հասարակական կարծիքի ծևավորման վրա ԶԼՄ-ի դրական ներգործության հնարավորության մասին: Առանց հասարակական աջակցության և զստահության՝ լրատվամիջոցները կորցնում են զանգվածային գիտակցության վրա իրենց սոցիալական ազդեցության հնարավորությունը և իրենց առանձնացվածության և բներացվածության շնորհիվ դարձնում են միայն գործիք կեղծ գաղափարական մարտերում իրենց «կամքն արտահայտողների» համար:

Այդուհանդեռձ, հասարակության հիմնահարցերի վերհանման գործում ԶԼՄ-ը խաղում են որոշակի կառուցվածքային դեր, բայց միայն այն դեպքում, եթե լուծվում են ոչ այնքան էական խնդիրներ:

Արևոտքի և Արևելքի միջև գրեթե հիսուն տարի տևած սառը պատերազմն ավարտվեց 20-րդ դարի 90-ական թթ-ի սկզբներին: Այս հանգամանքն արմատապես փոխեց հրադրությունը հաղորդակցության ոլորտում: Մեղմացավ թշնամությունն ԱՄՆ-ի և նախկին Խորհրդային Միության միջև, կոմունիստական բլոկի նախկին երկրներն իրենց հայտարարեցին որպես ժողովրդավարական երկրներ: Միևնույն ժամանակ Կենտրոնական և Հյուսիսային Ամերիկայի հնքնակալական վարչակարգ ունեցող շատ երկրներում սկսվեց ժողովրդավարական բարենկուումների հրականացման գործընթացը: Ըստ էության, աշխարհի շատ երկրներում արդեն նախընտրում էին կառավարման ժողովրդավարական ծեզ՝ անցնելով տնտեսության մեջ շուկայական հարաբերությունների ծևավորմանը: Այս բոլոր փոփոխություններն ընթանալու մեջ անմիտ մասնակցությամբ, որոնց արդյունքում մի շաբթ երկրներում առաջանում են ԶԼՄ-ի անմիտ մասնակցությամբ, որոնց արդյունքում մի շաբթ երկրներում առաջանում են անկախ, այսինքն՝ իշխանության կողմից չվերահսկվող ԶԼՄ:

ՄԵԽՐՈԴ ՄԱՆՏՈՎ ՀԱՍԱՍԱՐԱՆԻ ԼՐԱՏՈՒ 2015

Զանգվածային տեղեկատվական միջոցները հաստատություններ են, որոնք ստեղծված են ժողովրդի լայն խավերին հասուն տեխնիկական սարքերի միջոցով բազմաբնույթ տեղեկատվությունն ազատ և հրապարակայնորեն հաղորդելու համար: ՉԼՍ են համարվում մամուլը, ռադիոն, հեռուստատեսությունը, զանգվածային տեղեկագրերը, փաստավավերագրերը, կինովավերագրերը, այսօր նաև ինտերնետ կայք [4]:

Պիտի ասել, որ ինտերնետի, մասնավորապես քաղաքական բլոգների նկատմամբ հետաքրքրության աճը, ինչպես նաև վերջինս քաղաքական նպատակներով օգտագործման արաջին ալիքը բարձրացավ 2001թ-ի սեպտեմբերի 11-ի հրադարձություններից հետո: Համաշխարհային առևտորի շուկաների փլուզումը և Պենտագոնի վրա հարձակումը հասարակության լայն շրջանակների մոտ ցանկություն առաջցրեց մասնակցելու համընդհանուր քննարկումներին, հասարակայնորեն գործելու կամ ողբակու: Շատերն էլ բավարարված չէին այն ամենով, ինչ տեսնում կամ կարողում էին ՉԼՍ-ում: Խնդիրը կայանում էր նրանում, որ ՉԼՍ-ը ի վիճակի չէին հրադարձություններին արագ արձագանքելու և հասարակությանն արագ տեղեկացնելու, թե ինչ հրադարձություններ տեղի ունեցան կամ ինչ է սպասվում: Ըստ հանուր ստանդարտներով և միմյանցից թիւ տարբերվող ՉԼՍ-ի նյութերը արդեն իսկ չէր բավարարում միջին ամերիկացուն, ով ցանկանում էր լսել ոչ միայն հրականության «օրբեկուիկ» ներկայացում, այլ նաև իրադարձությունների շուրջ համարձակ մեկնաբանություններ: Քաղաքական բլոգները հնարավորություն են տալիս տարածելու նաև չստուգված տեղեկատվություն, իսկ ավանդական ՉԼՍ-ին հարկավոր է ժամանակ որևէ կարևոր իրադարձության հավաստիությունը սոութելու և հրապարակելու համար: Միաժամանակ բլոգները շատ արագ բարձրացվում են մեկնաբանությունների շնորհիկ, և որևէ իրադարձության մասին նորությունը անմիջապես հայտնվում է բոլորի ուշադրության կենտրոնում և արժանանում հանրային քննարկումների: Վերոնշյալ գործիքների միջոցով հասարակությունը հնարավորություն է ստանում զգայի տեղեկատվություն ծեռք բերելու աշխարհում տեղի ունեցող բազմաթիվ հրադարձությունների, դեպքերի, երևույթների վերաբերյալ, որոնք առնչվում են հասարակական կյանքի բոլոր ոլորտների (քաղաքական, տնտեսական, սոցիալական, մշակութային և այլն) հետ:

Ըստ էության սարք պատերազմի ավարտից հետո աշխարհի շատ երկրներում ընթացող սոցիալական, տնտեսական, քաղաքական բարեփոխումների հետ միաժամանակ ի հայտ է գալիս գլոբալացման միտումը, եթե մշակութային գործունեության արգասիքները (հատկապես ՉԼՍ-ի միջոցով տարածվող տարաբնույթ տեղեկատվությունը, նորությունները) արժանանում են մինչ այդ գոյություն չունեցող հրապարակայնության: Արդյունքում՝ վերացան Արևմուտքի և Արևելքի միջև բազմաթիվ արգելապատմեջեր, նկատվեցին միջազգային և գլոբալ հաղորդակցական համակարգերի առաջացման միտումներ: Այս առումով նշենք, որ Անգլիայի հետազոտող Էնտոնի Սլիմը գտնում էր, որ տեղեկատվական դարաշրջանի սկզբունքն այս տեղի կունենա պետական սահմանների ոչնչացում, անհետացում [5]:

Գլոբալացումն այսօր արդեն հրականություն է և, իհարկե, անտարբեր չէ ՉԼՍ-ի և ՉԻՍ-ի նկատմամբ: Պետական սահմաններում փակված երբեմնի ՉԼՍ-ը նույնպես ծեռք են բերում գլոբալիզմին բնորոշ գծեր: զարգանում են գլոբալ տեղեկատվական կոնցենտրացիան, որոնք գործում են աշխարհի բոլոր անկյուններում: Դրանցից են, օրինակ, Միենէնը, ԲիթիՍին, Էմթիվին և այլն: Գլոբալ զանգվածային ինֆորմացիոն միջոցների գլխավոր առավելությունն այն է, որ պատմության մեջ առաջին անգամ ինտերակտիվ

ՄԵՄՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2015

հաղորդակցության հնարավորություն է առաջանում, որը հասանելի է բոլորին՝ անկախ բնակության վայրից: Արդյունքում՝ մարդիկ ավելի շատ տեղեկություններ են ստանում աշխարհում ընթացող իրադարձությունների մասին, նրանց հասանելի է դառնում առավել լայն տեղեկատվություն: Բացի դրանից, նպաստավոր պայմաններ են ստեղծվում տեղեկատվություն ուղարկողի և ստացողի միջև միագիծ կապը բազմաֆունկցիոնալ կապով փոխարինելու համար, որն էլ իր հերթին նոր հնարավորություններ է ստեղծում արդյունավետ սոցիալականացման համար: Տեղեկատվության ստացման նոր միջոցները՝ տեսաերիզները, ծայսերիզները, բազմաֆունկցիոնալ համակարգչները, էլեկտրոնային փոստը և բազմաթիվ նոր տեխնիկական միջոցներ ստանում են այնքան հանրաժանացություն, որ արևոտյան քաղաքագիտության մեջ բնութագրվում են որպես «հասարակության համընդիմուր ժողովրդավարացման միջոց»:

Ինչպես հայտնի է, ԶԼՄ-ի ազատ գործունեությունը ժողովրդավարության կարևորագույն պայմաններից մեկն է: Ըստ էության, տեղեկատվության ստացման բազմաթիվ նոր միջոցների ի հայտ գալը, անձնական համակարգիչների թվի աճը, բնակչության «համակարգչային գինվածությունը» գրեթե անվերահսկելի են դարձնում պետության կողմից ԶԼՄ-ի գործունեությունը կամ փորձացնում վերահսկողության հնարավորությունները՝ դրանով իսկ նվազեցնելով անձնական ազատությունների նկատմամբ վտանգները: Այս ամենը ճանապարհ է բացում բազմակարծության, տեղական շահերի արտահայտման լայն հնարավորությունների, ներկայացուցչական ժողովրդավարությունը՝ «մասնակցային ժողովրդավարությամբ» փոխարինելու համար: Իսկ «մասնակցային ժողովրդավարությունը» հասարակության քաղաքական կազմակերպման այնպիսի համակարգ է, որտեղ քաղաքացիներն ուղղակի, առանց ընտրվող ներկայացուցիչների միջնորդական օգնության, որոշում են իրենց հետաքրքրող բոլոր սոցիալական և քաղաքական խնդիրները: Ընդ որում «մասնակցային ժողովրդավարության» հայեցակետի կողմնակիցների կարծիքով՝ ժողովրդավարությունը, որն իրականացվում է ԶԼՄ-ի միջոցով, նախկինում տեխնիկական անհնարինությունում գործում է այսպիսի պարզություն՝ «էլեկտրոնային քվեարկության» մասին է, որն արդեն կիրառվում է զարգացած արդյունաբերական շատ երկրներում:

Անշուշտ, այս ամենը պարարտ հող է արդի հասարակություններում գանգվածային տեղեկատվական միջոցների ազատ և անկախ գործառնության համար:

Համարվելով սոցիալական կառավարման և քաղաքական մանհավույացիայի հեղոր գործիք՝ ԶԼՄ-ը դարձնում են հասարակական-քաղաքական հարաբերությունների կարևոր տարր: Հսկայական ազդեցություն ունենալով միլիոնավոր մարդկանց վարչագիծ վրա՝ դրանով իսկ մասնակցում են կամ տարբեր ծներով առնչվում պետական քաղաքականությանը:

Զանգվածային տեղեկատվական միջոցներով անծի վերափոխումը գիտակցական և ակտիվ սույնեկտի նպաստում է քաղաքական սոցիալականացման այնպիսի համակարգի ձևակորմանը, որը հնարավորություն է ընծեռում քաղաքական մասնակցության համար:

ԶԼՄ-ի դերն ընտրություններում

Ընտրությունները ժողովրդավարական հասարակարգերի էական տարրերից մեկն են: Ընտրությունների միջոցով կազմավորվում են խորհրդարանները, տեղական ինքնակառավարման մարմինները, պետության գլուխը, որոշ երկրներում կառավարությունը, դատական մարմինները: Ազատ և արդար ընտրություններին որպես ընտ-

ՄԵԽՐՈԴ ՄԱՆՏՈՎ ՀԱՍԱՍԱՐԱՆԻ ԼՐԱՏՈՒ 2015

րոդ կամ որպես թեկնածու մասնակցելու իրավունքն անծի կարևորագույն քաղաքական իրավունքներից է, որը թույլ է տալիս մարդկանց՝ որոշելու իրենց ներկայացուցիչներին և օժտելու նրանց ժողովրդահիշխանության իրականացման մանդատներով, իհարկե, ըստ սահմանադրության:

Անշուշտ, ազատ և արդար ընտրություններ ապահովելու համար անհրաժեշտ է, որ ընտրազանգվածը հասու լինի՝ ազատ և գիտակցված ընտրություն կատարելու համար: Սա վկայում է այն մասին, որ ընտրողները տվյալ թեկնածուի մասին տեղեկատվության կարիք ունեն: Այս առումով, իհարկե, կազմակերպվում են թեկնածուների հետ նախընտրական հանդիպումներ, ժողովներ, տարածվում են թրուցիկներ, պահատներ, որոնցից ընտրողները ստունում են որոշակի տեղեկատվություն թեկնածուների վերաբերյալ: Ավելին՝ ժամանակակից բազմամիջին հասարակության մեջ թեկնածուներն ի վիճակի չեն հանդիպելու բոլորի հետ և խոսելու նրանց հետ: Այդ պատճառով էլ թեկնածուներն իրենց ասելիքը հաղորդելու համար հիմնվում են հաղորդակցության այնախսի ձևի վրա, որն ապահովում է կազմ միջինավոր մարդկանց հետ միաժամանակ: Դրանք, իհարկե, ԶԼՄ-ն են՝ հեռուստատեսությունը, ռադիոն, թերթերը, այսօր նաև համացանցը:

Անժիստելի է, որ լրատվամիջոցներն ակտիվ մասնակցություն ունեն ներկայացուցական և այլ ընտրովի մարմինների ձևավորման գործընթացում: Այն ԶԼՄ-ի գործունեության յուրահատուկ ոլորտ է, որտեղ նրանք իրականացնում են միաժամանակ մի քանի գործառույթներ, ծառայում են որպես ընտրողների տեղեկացվածությունն ապահովող միջոց (օրինակ՝ ընտրությունների անցկացման օրվա մասին, տեղեկատվություն գրանցված թեկնածուների մասին և այլն), որպես նախընտրական ագիտացիայի միջոց և, վերջապես, որպես քաղաքական վերահսկողության գործիք: Այդ առումով հեռուստատեսությունը համարվում է ընտրողների վրա ազեցության ամենահզոր միջոցը, և հաճախ նրա աշխատանքից է կախված ընտրությունների արդյունքները: Հեռուստատեսության ամենակարողության մասին հավատն այնքան մեծ է, որ շատ քաղաքական գործիքներ գտնում են, որ ով վերահսկում է հեռուստատեսությունը, նա էլ վերահսկում է ամբողջ երկիրը:

Խոսելով ընտրություններում ԶԼՄ-ի մասին՝ նշենք, որ այստեղ կարևորվում են նաև նրանց կողմից անցկացվող հարցումները հասարակական կարծիքի պարզաբանման նպատակով: Հարցումները բացահայտում են ուժեղի հարաբերակցությունը մրցակից թեկնածուների միջև, ընտրազանգվածի տարբեր խմբերի կարծիքն առավել կարևոր ազգային հիմնախնդիրների վերաբերյալ, ընտրական կամպանիաների զարգացման ընդհանուր միտումները, որոնք հնարավորություն են տալիս ձշտելու հակառակորդների ռազմավարությունը և մարտավարությունը: Ըստ էության, հարցումների արդյունքները, որոնք լայնորեն լուսաբանվում են ԶԼՄ-ի կողմից, ունենում են անմիջական ազեցություն ընտրական կամպանիաների բնույթի և բովանդակության վրա՝ ստիպելով թեկնածուներին կատարել համապատասխան ուղղումներ իրենց մարտավարության մեջ: Այս համատեքստուում մեծ նշանակություն ունի այսպես կոչված «նվազավախմբով ծիաբեռնասայլի էֆեկտը» կամ «հաջողության էֆեկտը», որի էությունն այն է, որ մարդիկ հակված են միանալու այն կարծիքին, որը կիսում են մեծ թվով մարդիկ: Արդյունքում՝ նկատելի է միտում՝ կապված ուժեղագույն, հետևաբար, առաջավոր թեկնածուի կողմն ընտրողների անցման հետ: Թեկնածուն, որը հայտնվում է իր հակառակորդների նկատմամբ առաջնային դիրքում, հանկարծ ծեռք է բերում ազդող հանրաձանաչություն բնակչության շրջանում: Եվ ԶԼՄ-ը ավելի մեծ ուշադրություն են հատկացնում նրան, քան մյուս թեկնածուներին, ինչի արդյունքում տվյալ թեկնածուն հասնում է

ՄԵԽՐՈԴ ՄԱՆՏՈՅՑ ՀԱՍԱԼԱՐԱՆԻ ԼՐԱՏՈՒ 2015

լայն ճանաչողության, որն էլ ապահովում է հաջողություն և հնարավոր հաղթանակ ընտրություններում:

Կարևորելով ընտրական գործընթացի վրա լրատվամիջոցների ազդեցության նշանակությունը՝ նշենք ազդեցության և երկու ծեսեր, որոնք դրսևորվում են հեռուստատեսության ոլորտում [6]. «Կապույտ առկայժման էֆեկտը», որն ունի դրական ազդեցություն, և «բումերանգի էֆեկտը», որն ունի բացասական ազդեցություն:

«Կապույտ առկայժման էֆեկտի» էությունն այն է, որ մարդը, որը ճանաչելի է արտաքնապես հեռուստաէկրանում հայտնվելու շնորհիվ, հասարակ մարդկանց կողմից անխուսափելի հորեն դիտվում է որպես առաջնորդ, մարդ, որը զգալիորեն տարբերվում է իրենցից: Նման հաջողության, անշուշտ, անհնար է հասնել լսարանի հետ անմիջական շփման արդյունքում: Այս դեպքում ասում են, որ մարդիկ չեն ընտրում նախազաներին կամ պատգամավորներին. սկզբնապես նրանց ընտրում է հեռուստատեսությունը, որից հետո ընտրողների մոտ առաջանում է «Կապույտ առկայժման էֆեկտը», այսինքն՝ ընտրողներն իրականացնում են հեռուստատեսության կամքը, որը գալիս է ենթագիտակցությունից:

Իսկ «բումերանգի էֆեկտոն» այն է, որ մարդկանց վրա հեռուստատեսության ազդեցության չարաշահումը հանգեցնում է բացասական արդյունքների, այսինքն՝ հեռուստատեսությամբ անընդմեջ միևնույն թեկնածուի ցուցադրումը նախ՝ մարդկանց մոտ ժնում է զայրույթ առ տվյալ թեկնածուն, ապա՝ ատելություն, իսկ վերջում նրանք գաղտնի քվեարկում են ընդդեմ այդ թեկնածուի:

Վերադառնալով բուն ընտրական գործընթացին ԶԼՄ-ի մասնակցությանը՝ նշենք, որ առանձնացվում են ընտրական գործընթացի հետևյալ հիմնական փուլերը.

- նախընտրական փուլի սկիզբը,
- ընտրարշավը,
- խորհրդածության համար պարտադիր ժամանակը(որոշ երկրներում),
- քվեարկության օրը,
- արդյունքների հաշվարկն ու հրապարակումը,
- հշխանության փոխանցումը:

Նախընտրական փուլում լրատվամիջոցները սովորաբար լուսաբանում են կառավարության ու տարբեր կուսակցությունների գործունեությունը: Որոշ երկրներում ընտրարշավին նախորդող շրջանը համարվում է քվեարկողներին կրթելու ծրագրերի շրջան: Այդ ծրագրերն առանձնապես կարևոր են անցումային փուլում գտնվող ժողովրդավարական երկրների համար, որոնք երկար տարիներ բաց ընտրությունների ավանդույթը չեն ունեցել: Այս փուլում ընտրողները տեղեկացվում են քվեարկության համար գրանցվելու կարգի մասին, քվեարկության ծեսերի մասին, նաև այն մասին, թե ինչպես են գրանցվում կուսակցություններն ու թեկնածուները:

Ընտրարշավի փուլում ԶԼՄ-ին թույլատրվում կամ (նայած օրենքի) նրանցից պահանջվում է հաղորդել կուսակցությունների և թեկնածուների ընտրական ծրագրերը: Այս փուլում ԶԼՄ-ն առավել ակտիվորեն են լուսաբանում քաղաքական իրադարձությունները: Տպագիր մամուլում տեղ են գտնում նորություններ, վերլուծություններ, խմբագրականներ, հասարակական կարծիքի սյունակներ: Հեռուստատեսությամբ և ռադիոյու հաղորդվում են լուրեր, վերլուծություններ, քաղաքական բանավեճեր, կուսակցական կամ թեկնածուների նախընտրական հաղորդումներ, քաղաքական գովազդներ և այլն: Ընդ որում, ավելացնենք, որ այս փուլում կուսակցություններին և թեկնածուներին հավասար պայմաններով անվճար և վճարովի եթերաժամեր են ընծեռվում հեռուստատեսությամբ և ռադիոյով:

ՄԵՄՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2015

Խորհրդաժության փուլը հասողության մեջ է բոլոր երկրներին: Սա սովորաբար ընտրական օրենքով վավերացված մի ժամանակահատված է, որն սկսվում է ընտրաշաբախ ավարտից և տևում է մինչև քվեարկության օրը: Ֆրանսիայում, օրինակ, այդ փուլը տևում է 7օր, իտալիայում՝ 1օր, ծվենիայում՝ 1օր, իսկ Հայաստանում՝ ևս 1օր՝ կապված այն բանի հետ, որ քվեարկության և դրան նախորդող օրը նախընտրական քարոզությունն արգելվում է: Խորհրդաժության ժամերը նպաստակ ունեն ընտրողներին ժամանակ տալ մտորելու ընտրաշաբախ ընթացքում կուտակված տեղեկատվության շուրջ և որոշելու ում ընտրել:

Քվեարկության օրը ԶԼՄ-ը լրացրանում են այն, թե ինչպես է ընթանում ընտրությունը՝ սկսած եղանակից, որը շատ երկրներում ազդում է ընտրողների մասնակցության վրա, մինչև խախտումների մասին հայտարարությունները: Նրանք հանդես են գալիս նաև որպես անկախ դիտորդներ, որոնք հետևում են ընտրության ընթացքին, որպեսզի այն անցնի ազատ ու արդար՝ առանց քվեարկողների վրա ճնշում գործադրելու, առանց սպառնալիքի և առանց քվեարկության արդյունքների շահարկման փորձերի: Բացի դրանից՝ լրատվամիջոցները հարցագրույց են վարում ընտրողների և դիտորդների հետ ու գեկուցում նկատված որևէ խախտման մասին:

Արդյունքների հաշվարկման ու հրապարակման փուլում Զանգվածային տեղեկատվական միջոցներն ուշադրությամբ հետևում են յուրաքանչյուր զարգացման, հնարավորին չափ վերահսկում են, որ ամեն ինչ հարթ ընթանա՛ առանց կեղծիքների և հնարավոր չափահատումների: Ընդ որում, հատկապես հեռուստատեսությունը և ռադիոն նույն գիշերն անմիջապես կենտրոնից ընտրությունների արդյունքները հասցնում են ընտրողներին: Բացի դրանից՝ ԶԼՄ-ն կարևոր դեր ունեն կեղծված արդյունքների դեմ մարդկանց ընդվզումը լրացրանելու հարցում:

Իշխանության փոխանցման փուլում լրատվամիջոցներն արդեն վերադառնում են իրենց արօրյա միջընտրական աշխատանքին՝ քննելով և լրացրանելով նորընտիր կառավարության գործունեությունը: Քաղաքական հարցեր լրացրանող Զանգվածային տեղեկատվական միջոցները կառավարությանը ստիպում են միշտ հաշվետու լինելու իր գործողությունների համար՝ հատկապես կառավարության անդամներին հիշեցնելով իրենց նախընտրական խոստումները և ճնշում գործադրելով դրանց իրականացման նպաստակով:

Փաստորեն, այս ամենը վկայում է այն մասին, որ լրատվամիջոցները հակայական ներգործություն ունեն հասարակության քաղաքական կյանքի վրա. Նրանք ակտիվ մասնակցություն են դրսորում ընտրական գործընթացներում, և նրանց գործունեությունից որոշակիորեն կախված են ընտրությունների արդյունքները, այսինքն՝ այս կամ այն թեկնածուի կամ կուսակցության հաղթանակը կամ պարտությունը:

Այս ամենով հանդերձ՝ ընտրողների վրա ԶԼՄ-ի ազդեցության հնարավորությունները չպետք է բացարձակացնել, քանի որ «ոչ միայն քաղաքական ընտրաշաբախը, այլ ԶԼՄ-ը ևս ոչ այնքան մեծ թվով մարդկանց են հեղաշրջում»: Ուստի այս մասնակցությունը գոյց են տվել, որ սովորաբար ընտրողների 80 տոկոսը ընտրություններից մի քանի ամիս առաջ արդեն գիտի, ում է ընտրելու, և միայն 10 տոկոսմ է կողմնորոշվում ընտրարշավների ժամանակ: Այստեղ հատկանշական են համարում այն, որ որքան շատ է ընտրողի անձնական կաղվածությունը ընտրության արդյունքներից, այնքան ավելի մեծ է լինում նրա քաղաքական կողմնորոշումը, և այնքան ավելի քիչ պահանջ ունի հիմնվել ԶԼՄ-ի վրա՝ որոշելու համար իր նախընտրությունները:

Ինչ վերաբերում է Հայաստանին, ապա պետք է ասել, որ ԶԼՄ-ի հաղորդած տեղեկատվության հանդեպ հետաքրքրությունը բավական ցածր է, որը բացատրվում է հա-

ՄԵՄՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2015

սարակության մեջ գոյություն ունեցող ֆրուստրացիոն և դեպրիվացիոն երևույթներով։ Դրանք բացատրվում են բազմարնույթ հանգամանքներով, ընդ որում դրանց միջև կապերը ինչպես հորիզոնական, այնպես էլ ուղղահայաց բնույթի են։

Այսիսով՝ ժողովրդավարական երկրներում մարդիկ քաղաքականության մասին իրազեկվում են զանգվածային տեղեկատվական միջոցներից, որոնք ժողովրդավարության հսկողության և հակակշիռների հիմնական ուժն են համարվում։ Ընորիիվ իրենց հնարավորությունների՝ մասնավորապես հասարակական կարծիքի ծնավորման տեսանկյունից, ԶԼՄ-ը քաղաքական սոցիալականացման գործընթացում կարևոր պոտենցիալ միջնորդի դեր են կատարում, բայց որպեսզի դրանք չնանան լոկ ցանկություններ թղթի վրա, շուտափույթ պետք է ստեղծել այնպիսի պայմաններ, որոնք հնարավորություն կտան անհատներին՝ իրագործելու ինքնիշխան սուբյեկտի իրենց դերը, այսինքն՝ իրավունք կունենան տեր կանգնելու իրենց իրավունքներին և հարգելու ուղիղի իրավունքները։ Սա է ժողովրդավարական հասարակության քաղաքական սոցիալականացման գերխնդիրը, որի իրագործման լիարժեք սուբյեկտ են զանգվածային տեղեկատվական միջոցները։

ԾԱՆՈԹԱԳՐՈՒԹՅՈՒՆՆԵՐ

1. Пугачев В., Политология, Средства массовой информации, М., 2000, стр. 411-413.
2. Politik wissenschaftlie. Grundlegung/ Hrsg. Von Klaus von Beume. Bd. 2, Stuttgart, Berlin, 1987, p. 60.
3. Лассуэл Г., Коммуникативный процесс и его структуры, //Современные проблемы социальной коммуникации//, С-Пб., 1996.
4. Հայաստանի Հանրապետության սահմանադրական իրավունք, Զանգվածային լրատվական միջոցները, Եր., 2000, էջ 197:
5. Денисис Эв., Меррилл Дж., Беседы о масс-медиа, Глобализация средств массовой информации, М., 1997, стр. 347.
6. Ольшанский Д., Политическая психология, Массовые коммуникации, М., 2002, стр. 484-486.

ԱՄՓՈՓԱԳԻՐ

**Զանգվածային տեղեկատվական միջոցների դերը քաղաքական սոցիալականացման գործընթացներում
Հասմիկ Շահաղաբյան**

Հոդվածը նվիրված է արդիական հնչելություն ունեցող և լայն մասսայականություն վայելող մի հիմնախնդրի, այն է՝ զանգվածային տեղեկատվական և լրատվական միջոցների դերն ու նշանակությունը քաղաքական սոցիալականացման գործընթացներում։ Այսօր հատկապես անժխտելի է նրանց ահրելի նշանակությունը, որը պայմանավորված է ԶԼՄ-ի մեծ ազդեցությամբ ինչպես հասարակական կյանքի բոլոր ոլորտների, այնպես էլ հասարակության մտածողության, հասարակական կարծիքի, հասարակական գիտակցության վրա։ Ահա թե ինչու իբրև հզոր սոցիալականացնող գործոն այսօր առանձնացնում ենք տեղեկատվությունը։

Բանալի բառեր՝ տեղեկատվություն, լրատվություն, քաղաքական սոցիալականացում, քաղաքական մտածողություն, քաղաքական գիտակցություն, հասարակական կարծիք, փաստերի բազմություն, քաղաքական հաջողություն, հասարակական կարգավիճակ, ժողովրդավարական վարչակարգ, գլոբալացում, համացանց, քաղաքական բլոգ:

РЕЗЮМЕ

Роль средств массовой информации в процессах политической социализации Асмик Шапагатян

Статья посвящена проблеме, которая чрезвычайно актуальна, популярна и широко известна – роль и значение средств массовой информации и коммуникации в процессе политической социализации. Сегодня, как никогда, неоспоримо их огромное значение, которое обусловлено влиянием масс медиа как на все области общественной жизни, так и на общественное мышление, общественное мнение и общественное сознание. Вот почему сегодня мы выделяем и отмечаем информацию как мощный социализирующий фактор.

Ключевые слова: информация, новости, политическая социализация, политическая мысль, политическое сознание, общественное мнение, многочисленные факты, политический успех, социальный статус, демократия, глобализация, интернет, политический блок.

SUMMARY

The Role of Mass Media in the Processes of Political Socialization Hasmik Shapaghyan

The purpose of the article is to investigate one of the extremely relevant, popular and well known problems – the role and importance of mass media and mass communications in the processes of political socialization. Today more than ever the great importance, the significance of mass media is undeniable. That is due to the influence of mass media on all spheres of public life and public thinking, public opinion and social consciousness. That's why today we would like to focus on and highlight information being a powerful socializing factor.

Keywords: information, news, political socialization, political thought, political consciousness, public opinion, numerous facts, political success, social status, democracy, globalization, Internet, a political blog.